

POLIZEISTUND

Wirt: Ich sinn üch jän bei mir he ston

Säufer: 5 Bier, 6 Korn, komm Jupp loss jon
Dä Hals da es ganz drüch
Di Bier es köhl un fresch.

Wirt: Ihr hat noch Zick bis koot vür ein

Säufer: Wä denk dann jetz schon an doheim
Dat Faß es voll un schwer
Bis ein kritt mer't nit leer.

Säufer: **Wat es dat doch für nen Dreß
Dat öm ein Uhr Fierovend es
Die Uhr stürt - hür bloß nit hin
He Jupp, komm schepp noch eine en.**

Wirt: Die Zick die läuf, et es bal ein.

Säufer: Mach keine Quatsch, Scheck uns nit heim
Ding Uhr jeit vür en Stund
Komm donn uns noch en Rund.

Säufer: **Wat es dat doch für nen Dreß
Dat öm ein Uhr Fierovend es
Die Uhr stürt hür bloß nit hin
He Jupp, komm schepp noch eine en.**

Wirt: Dat jeit nit, ich darf nit, die Schmier kütt.

Säufer: Die Schmier kütt, die stürt nit, kritt och jet
Die han sich immer jot benomme
Loß die Junge doch ruhich kumme,

Wirt: Ihr weißt ich fing Uch leev un nett
Doch ich muß och ens en et Bett.

Säufer: Do kanns d'r ganze Dach noch schlofe
Jo mach et Leech ruhich us
Em Dunkle schmeck et och.

Säufer: **Wat es dat doch für nen Dreß
Dat öm ein Uhr Fierovend es
Dat jode Zeuch weed söns noch schläch
He Jupp, d'r Letzte für d'r Wäch.**